

**KERATAN AKHBAR-AKHBAR TEMPATAN**  
**TARIKH: 30 OGOS 2015 (AHAD)**

<b>Bil</b>	<b>Tajuk</b>	<b>Akhbar</b>
1	Jerebu diramal landa pantai barat dan pantai timur semenanjung	Bernama.com



## Jerebu Diramal Landa Pantai Barat Dan Pantai Timur Semenanjung

PUTRAJAYA, 30 Ogos (Bernama) -- Kawasan pantai barat serta pantai timur Semenanjung Malaysia diramal mengalami keadaan jerebu pada tahap sederhana dalam tempoh 24 hingga 48 jam dari sekarang, kata Menteri Sumber Asli dan Alam Sekitar Datuk Seri Dr Wan Junaidi Tuanku Jaafar.

Beliau berkata imej satelit Hysplit yang diperolehi Jabatan Meteorologi Malaysia menunjukkan asap jerebu dari titik panas di wilayah Sumatera dijangka bergerak merentasi Riau serta Selat Melaka dan seterusnya ke arah pantai timur dalam tempoh dua hari.

Wan Junaidi, menerusi satu kenyataan di sini hari ini, berkata keadaan jerebu juga dijangka berlaku di bahagian barat dan utara Sarawak.

Ini disebabkan Hysplit turut mengesan asap jerebu sederhana dari titik-titik panas di Kalimantan Tengah, Kalimantan Selatan dan Kalimantan Barat yang dijangka bergerak ke arah barat Sarawak dalam tempoh 24 hingga 48 jam berikutnya.

"Sementara itu, asap jerebu sederhana dari titik panas di Kalimantan Timur dijangka bergerak ke arah Laut China Selatan merentasi utara Sarawak dalam tempoh 24 hingga 48 jam berikutnya," kata Wan Junaidi.

-- BERNAMA